

ՈՐՈՇՈՒՄ
ԱՆՀԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ԿԵՐԱԲԵՐՅԱԼ

քաղ. Երևան

9 փետրվարի 2007 թ.

Հայաստանի Հանրապետության Սահմանադրական դատարանի 1-ին դատական կազմը
Նախագահությամբ՝ Ռ.Պապայանի
Անդամակցությամբ՝ Վ.Հովհաննիսյանի
Հ.Դանիելյանի

Քննության առնելով ՀՀ քաղաքացիներ Մարիետա Հախվերդյանի եւ Սամվել
Ղարիբջանի դիմումի ընդունելիության հարցը

ՊԱՐՁԵՑ

Քաղաքացիներ Մարիետա Հախվերդյանը եւ Սամվել Ղարիբջանը դիմել են
Սահմանադրական դատարան, վիճարկելով ՀՀ քաղաքացիական դատավարության
օրենսգրքի 230 հոդվածի 1-ին կետի 4.1 ենթակետի, 231.2 հոդվածի 1-ին կետի 1-ին, 2-րդ
եւ 3-րդ ենթակետերի սահմանադրականությունը:

Ներկայացված դիմումը համապատասխանում է ՀՀ Սահմանադրության 101
հոդվածի 1-ին մասի 6 կետի, Սահմանադրական դատարանի մասին ՀՀ օրենքի 27, 28
հոդվածների եւ 69 հոդվածի 1, 2, 4, 5 կետերի, ինչպես նաեւ ՀՀ Սահմանադրական
դատարանի Կանոնակարգի պահանջներին: Պահպանվել է Սահմանադրական
դատարան դիմելու օրենքով նախատեսված ժամկետը:

Դիմողները սպառել են դատական պաշտպանության բոլոր միջոցները եւ գտնում են,
որ իրենց նկատմամբ կիրառված օրենքի դրույթները հակասում են ՀՀ
Սահմանադրությանը:

Գործում առկա է պետական տուրքի վճարման անդորրագիրը:

Դեկլարվելով Սահմանադրական դատարանի մասին ՀՀ օրենքի 69 հոդվածի 6-րդ
կետով, Սահմանադրական դատարանի 1-ին դատական կազմը

ՈՐՈՇԵՑ

Մ. Հախվերդյանի եւ Ս. Ղարիբջանի դիմումը՝ ՀՀ քաղաքացիական դատավարության
օրենսգրքի 230 հոդվածի 1-ին կետի 4.1 ենթակետի, 231.2 հոդվածի 1-ին կետի 1-ին, 2-րդ
եւ 3-րդ ենթակետերի սահմանադրականությունը վիճարկելու մասին, ընդունել քննության,
կազմել գործ, որով պատասխանող ճանաչել ՀՀ Ազգային ժողովին:

